



PREZIDÉNSIA  
KONSELLU  
MINISTRUS  
VIII GOVERNUN KONSTITUSIONÁL



Gabinete  
Porta-Voz

**Prezidénsia Konsellu Ministrus**

**VIII Governu Konstitusionál**

Loron 11 fulan-fevereiru tinan 2021

**Komunikadu Imprensa**

**Toleránsia Pontu iha Loron 12 fulan-fevereiru ba Selebrasaun Tinan Foun Xina nian**

Lei númeru 10/2005, loron 10 fulan-agostu, tuir redasaun iha Lei númeru 3/2016, loron 25 fulan-maiu, estabese loran sira ne'ebé maka feriadu nasional, data ofisial komemorativa sira no ba situasaun sira seluk ne'ebé maka bele fó toleránsia pontu.

Ne'ebé maka relaciona ho toleránsia pontu sira, mak iha al c) husi nu 2, artigu da-7 nian husi lei ne'e rasik, determina katak selebrasaun relijioza, ne'ebé la hakerek iha lei ne'e, bele sai nu'udar objetu toleránsia pontu nian.

Komunidade xineza iha ita-nia país ne'e hanesan ona komunidade ida-ne'ebé tuan, ho ninia presenza tinan barak tebes ona no iha importánsia ekonomika no sosiál, ne'ebé merese gratidaun no rekoñesimentu husi timoroan sira.

Tinan Foun Xinés nian ne'e, la iha dúvida, maka serimónia ida-ne'ebé importante liu iha kalendáriu xinés nian hotu, nune'e mós koñesida hanesan "Festa Primavera nian" no data ida-ne'e celebra mós iha país barak husi kontinente aziátiku. Data ne'e celebra hanesan festa família nian no tempu ida-ne'e dedika ba komemorasau, iha ne'ebé sai hanesan mós serimónia relijioza sira hodi agradese ba rai, ba lalehan, ba maromak uma nian no ba beiala sira.

Tuir hakerek iha númeru 2, al c), husi artigu da-7, no iha númeru 6 alínea d), husi artigu ne'e rasik, Governu determina tuirmai:

1. Konsidera toleránsia pontu iha loran 12 fulan-fevereiru tinan 2021, durante loran tomak;
2. Despaxu ida-ne'e abranje funcionáriu, ajente no traballadór sira hotu administrasaun direta Estadu nian, tantu sentrál ka deskonsentradu nian sira, no mós husi organizmu sira administrasaun indireta Estadu nian;



Palácio do Governo,  
Avenida Presidente Nicolau Lobato,  
Dili, Timor-Leste



PREZIDÉNSIA  
KONSELLU  
MINISTRUS

VIII GOVERNUN KONSTITUSIONÁL



Gabinete  
Porta-Voz

3. La inklui iha númeru anteriór rekursus umanus husi servisu públiku sira ne'ebé, tanba natureza husi atividade ne'ebé sira dezenvolve, tenke hala'ó nafatin serbisu durante períodu ne'e;
4. Sein prejuízu ba continuidade no kualidade husi servisu públiku ne'ebé mak atu presta, dirijente másimu sira husi servisu sira ne'ebé temi ona iha númeru anteriór tenke fó dispensa ne'ebé hanesan husi devér asiduidade nian ba funcionáriu sira ne'e, iha loron seluk, ne'ebé sei determina bazeia ba oportunidade. **REMATA**



Palácio do Governo,  
Avenida Presidente Nicolau Lobato,  
Dili, Timor-Leste